

## Mid-Day Dogri News Bulletin, 18 June 2024

समे – 12:25 hrs.

<><><><><><>

### PM-Kissan

प्रधानमंत्री नरेंद्र मोदी होर अज्ज वाराणसी च पी.एम किसान योजना दी 17मीं किशत गी जारी करंगन। कोई 9 करोड़ 26 जहार करसानें गी कोई 20 जहार करोड़ रपे शा मते दा लाह बैंक खातें च मुंतकिल करंगन। प्रधानमंत्री होर कोई 30 जहार कोला मते आप मदादी समूहें गी कृषि सखिएं दे तौरा पर दिती गेदी सिखलाई आहलें गी सर्टिफिकेटां बी बंङ्कन। ताले गेदे 50 कृषि विकास केंद्रें उप्पर विशेष कारजक्रम आयोजित कीता जा रदा ऐ। पीएम किसान योजना 24 फरवरी 2019 गी जिमी आले सब्बै करसानें दी माली जरूरतै गी मदद करने गितै शुरू कीती गई ही। सलाना 6 जहार रपे दी माली मदाद बरोबर त्रै किशतें च हर 4 म्हीने दे बाद करसानें दे बैंक खातें च सिद्धे मुंतकिल कीता जंदा ऐ। अज्जै तोड़ी समूलचे राष्ट्र च 11 करोड़ कोला मते करसानें गी 304 लकख करोड़ रपे दिते जाई चुके दे न। योजना दे शुरू होने कोला कुल मुंतकिल 324 लकख करोड़ रपे लाभार्थियें गी दिते जाई चुके दे न।

<><><><><><>

### Gadkari-Projects

सड़क, ट्रांसपोर्ट ते जरनैली शिड़कें सरबंधी केंद्री मंत्री नितिन गंङ्करी होरें जम्मू-कश्मर सड़क ते जरनैली सड़क परियोजनाएं दी प्रगति दा जायजा लैने लेई कल राजभवन श्रीनगर च इक उच्ची सतह दी बैठक दी अध्यक्षता कीती।

इस मौके उपराज्यपाल मनोज सिन्हा होंरें प्रधानमंत्री नरेंद्र मोदी ते निति गॊकरी हुंदा जम्मू-कश्मीर लेई बड्ियां ते महत्वपूर्ण ढांचागत परियोजनां देने लेई आभार प्रगट कीता। उनें आखेआ जे अस्स जम्मू-कश्मीर दे निग्गर ते शानदार भविक्ख लेई पूरी निष्ठा ते तनदेही कन्नै कम्म करै करने आं। इस ढांचागत विकासक न्ने रोजगार दे नमें अवसर बी बदंगन ते एहदे कन्नै जम्मू-कश्मीर दी आर्थिक बवस्था च बी सुधार होग।

<><><><><><>

### CDS-Anil Chouhan

जम्मू प्रांतै च सुरक्षा हालात ते कारवाइएं सरबंधी तैयारिएं दा जायजा लैने लेई त्रोनें सेनाएं दे प्रमुख सीपीएस अनिल चौहान होर कल इक दिनै दे दौरै पर जम्मू आए दे हे। जनरल चौहान हुंदा एह दौरा केंद्री गृह मंत्री अमित शाह हुंदे आस्सेआ इक उच्ची सतह दी मीटिंग लाइए जम्मू-कश्मीर च सुरक्षा हालात ते अमरनाथें दी यात्रा गितै तैयारिएं दा जायजा लैने दे बाद लग्गी ऐ। सीपीएस होर नगरोटा स्थित 16 कोर दे मुख्यालय पुज्जे जित्थे उनें इक बैठक दौरान जम्मू प्रांतै च पूरे पराते सुरक्षा हालात दी समीक्षा कीती। फौज दे आला अफसरें जिंदे च उत्तरी कमान अध्यक्ष बी शामिल हे, नै उनेंगी फौज दी तैनाती, कारवाइएं सरबंधी तैयारिएं बगैरा बारै उनेंगी तफसीली जानकारी दित्ती। जम्मू प्रांतै च पिछले किश समें थमां आतंकी घटनाएं गी दिखदे होई बक्ख-बक्ख सतहें पर सुरक्षा तैयारिएं ते आतंकवाद कन्नै निब्बड़ने दिएं योजनाएं गी मुकदा रूप दित्ता जा रदा ऐ।

<><><><><><>

## Indian-Army

वीर नारिणं ते पिंशनरी आई चुके दे वरिष्ठ सैनिकं कन्नै संपर्क बनाई रखने दी परंपरा गी जारी रखदे होई फौज नै राजौरी जिले दे केरी इलाके च साबका फौजिणं ते वीर नारिणं दे घर-घर जाइए उंदिणं समस्यां दिक्कतें बारै पुच्छने दी इक मुहिम चलाई जेदा मकसद इनेंगी घर बैठे दे गै इंदिणं समस्यां दे नबेड़े च मदद करना हा। सेना दे कर्मिणं उनेंगी सरकार दिणं पिंशन बारै भलेयां नमिणं नीतिणं, उंदे कागत पत्र तैयार करने ते नमिणं तकनीकें दी मदद कन्नै उंदिणं होर दुइणं समस्यां दा नबेड़ा करिणं उनेंगी सहयोग दिता। एह मुहिम इक शानदार मसाल ऐ कठन परिस्थितिणं दे बावजूद सेना च कम्म करी चुके दे ते शहीद होए दे परिवारें गी मदद पुजाने दे जज्बे दा। भारती फौज नै शहीदें दे परिवारें प्रति उंदे बलिदान लेई गैहरी शरदा ते आधार प्रगट करदे होई उनेंगी नमन कीता।

<><><><><><>

## Mock-Drill

जम्मू-कश्मीर पुलस नै जम्मू दे भगवती नगर आहले यात्री निवास बेस कैंप च मॉक ड्रिल अभ्यास कीता। इस अभ्यास च सब िविजन हेक्वार्टस दी टीम समेत प्रादेशिक अधिकारी बी शामिल हे। इस मौके मॉक ड्रिल च हिस्सा लैने आहलें च जम्मू दे विशेष संचालन समूह यानि एसओजी ते एहदे कन्नै लगदी सब िविजनें दे अधिकारी ते क्विक रिएक्शन टीमां बी शामिल हियां। एह मॉकड्रिल नार्थ जम्मू दे एसपी हुंदी निगरानी ते एसएसपी जम्मू दी दिक्ख-रिक्ख च होई।

इस अभ्यास दा खास मकसद पूरी टीम ग प्रेक्टिकल ट्रेनिंग देना हा तां जे ओह कुसै बी घटना दा सामना करी सकन। इस अभ्यास गी जम्मू-कश्मीर पुलसै सफलतापूर्वक ढंग्गै कन्नै पूरा कीता।

<><><><><><>

### Director-Agriculture

बागवानी मैहकमे जम्मू दे निदेशक अरविंद्र सिंह रीन होरें कल चिन्नोर दे एस.एम फार्म दा दौरा लाया तां जे ओंटी सौनी रूतै लेई मुंजी दे बक्ख-बक्ख किस्में उप्पर चेचा ध्यान दिता जाई सकै। इस दौरे दा मकसद मुंजी दी बक्ख-बक्ख किस्में दी राईबाई लेई तैयारियें दी समीक्षा करना हा, जेदे च बासमती 370 जेहड़ा जम्मू खिते दी इक खास किस्मा दे चोल न। दौरे दौरान निदेशक होरें मुंजी राहने लेई स्थूलतं दा निरीक्षण कीता ते करसानें लेई उच्ची गुणवत्ता आले बी दी आपूर्ति गी यकीनी बनाने बारै गल्लबात कीती। गल्लबात च चिन्नो फार्म दे मैनेजर ते अमला बी उत्थे मौजूद हा। निदेशक होरें खेतीबाड़ी दे उत्पादन च बाद्दे लेई तकनीकें ते बेहतर गुणवत्ता आले बी गी अपनाने दी महत्ता पर लो पाई।

<><><><><><>

### Gulab-Singh

कल अखनूर दे जिया पोता घाट च जम्मू दे महान ागरा शासक महाराजा गुलाब सिंह होरें गी उंदे राजतिलक दिवस उप्पर श्रद्धांजलि दिती गई। इस मौके पर उत्थे इक्क कार्यक्रम दा आयोजन बी कीता गेआ।

इस मौके पर राज तिलक सेलिब्रेशन कमेटी जेहदे चेयरमैन के.पी. सिंह होर न, उनें जिया पोता घाट उप्पर इक्क समारोह कीता जेदे च ागरा शासक गुलाब सिंह होरें गी पष्पांजलि दिती गई। पीपीसी जम्मू दे चेयरमैन भारत भूषण होर इस समारोह दे मुख मेहमान हे ते पूर्व मंत्री गुलचैन सिंह चाढ़क होर सम्मानीय अतिथि हे। धमार्थ ट्रस्ट दे सचिव अशोक शर्मा होरें सब्बनें रीति-रिवाज अपनी निगरानी च कराए ते कर्नल करण सिंह होरें इस अवसर पर कमेंटरी दिती। उआं जम्मू-कश्मीर सैलसफा विभाग थमां कोई बी इस समारोह च नेई आया।

<><><><><><>

### Heat-Wave

जम्मू-कश्मीर दे मदानी इलाकें सने लगभग पूरे उत्तर भारत च गर्मी दी लैहर जारी ऐ ते अज्ज बी मौसम विभाग नै जबरदस्त गर्मी पौने दे आसार दस्से न। जम्मू-कश्मीर दे पदरे इलाकें सने उत्तर प्रदेश, पंजाब, हरियाणा, चंीगढ़, दिल्ली, हिमाचल प्रदेश, बिहार, उत्तराखं ते झारखं च बी तापमान औसतन 45 िग्री दे कोलकाल चलै करदा ऐ। जम्मू च कल्लै दा बद्दोबद्द तापमान 44 इशारिया 3 ते घट्टोघट्ट तापमान 28 इशारिया 8 िग्री सैल्यिस रिकार् कीता गेआ।

<><><><><><>